



Government of Samoa

OFISA O LE KOMESINA
FAIGAPALOTA

TAIALA FAATAATIA
2007-2012



Faatomuaga



Tanuvasa Meleisea I Lemiso

KOMESINA O FAIGA PALOTA

O lenei taiala faataatia 2007–2012 o se taiala muamua lea ua faia e le Ofisa o le Komesina o Faigapalota talu ona faavaeina i lalo o le Teuteuga o le Tulafono o Faigapalota 2005.

O le faamoemoe o lenei Taiala faataatia ina ia avea ma faasinoala o le sao o lenei Ofisa i le taumafai e ausia sini o le Vaaiga Taulai a le atunuu ‘Ina ia siitia le soifua manuia o tagata uma.’

O sini autu e fa mo le lima tausaga o lenei taiala o loo faamamafaina ai le faaleleia atili o auaunaga patino a le Ofisa o le Komesina o Faigapalota ma faalauiloaina e ala i aoaoga faalauiloa, le faaleleia atili o pulega e lagolagosua i auaunaga patino a le Ofisa ma faamautu le lumanai manuia o faigafilifiliga ma faigapalota a le atunuu.

I le faatinoina o lenei taiala autu e tuliloaina pea e le Ofisa o le Komesina o Faigapalota le faaleleia o tomai ma agavaa o lana afaigaluega ina ia lelei faafae ma faatino ana auaunaga ma pulega.

E iai le faamoemoe o le a iai suiga i le faatulagaga o tulaga faigaluega e fuafua i le manaomiaga mai lea tausaga i lea tausaga.



Tanuvasa Meleisea I Lemiso

Komesina o Faigapalota

Ofisa O le Komesina o Faigapalota

Taiala Faataatia

2007--- 2012

Novema 2007

Taiala Faataatia 2007 – 2010

Faasologa o Mataupu

Aotelega	2
Siosiomaga	3
Siosiomaga i fafo.....	3
Siosiomaga faalotoifale	3
Vaaiiga Taulai.....	6
Sini Autu	6
Talitonuga Taiala	7
Tumaoti	7
Le faaituau	7
Taualoa.....	7
Manino.....	8
Sogasoga.....	8
Ava Fatafata	8
Talimano	8
Ofisa ma ona Faamatalaga	10
Mataupu Taua.....	11
Sini Taiala	12
Fa'aopoopoga: Faatinoga o le Taiala	13-16

Aotelega

O le **Taiala Faataatia** leni a le Ofisa ole Komesina o Faigapalota mo le 2007 – 2012.

Ua faatuina faapitoa le Ofisa o le Komesina o Faigapalota mo le faatinoina o le Tulafono o Faiga Palota, o se tulafono e faatonutonu ai le filifilia o Sui o le Fono Faitulafono ma le Palemene a Samoa. E tofia le Komesina o Faigapalota e le Ao o le Malo i le fautuaga a le Kapeneta. Ae tofia lana aufaigaluega i lalo o le Tulafono e Pulea Tagata Faigaluega a le Malo 2004.

O le a toe fuataina ma tapenaina le auauanaga a le Ofisa o le Komesina e ala i leni *Taiala Fuafuaina* ina ia faatinoina i se tulaga silisili le *Tulafono o Faiga Palota*. O le mafai foi lea ona faatonutonu faiga palota ma ona a’afiaga ia atagia ai le agaga o le Faavae o le Malo Samoa ma Fuafuaga Faataatitia mo le Atinae o Samoa [SDS]



Na faaogaina e le Ofisa o le Komesina lana lava aufaigaluega atoa ma le lagolago a Fauautua Faapitoa i le tapenaina o leni Fuafuaga Faataatia, e ala ini faatalanoaga ma ni sailiiliga na auai le aufaigaluega atoa. Na mafai ai ona toe vaaia auiliili le tulaga o lo o iai le Ofisa i le taimi nei, ona manaoga, ma le tulaga e tatau ona iai i le lumanai. Ua mafai ai foi e ala i nei la’asaga ma tapenaga ona maua e le aufaigaluega le malamalamaga e tatau ona iai i tulaga uma o loo manaomia mo lana auauanaga. Ua maua ai foi ma se lagona tupu a’e o nei Fuafuaga Faataatitia, o se mea totino lava a le Ofisa. Sa veloaso ma togi maa le aufaigaluega atoa I le afuafuaina.

Siosiomaga ole Auaunaga

Siosiomaga i Fafo Atu

Faitauofai o Komesina:

O lo o talafeagai le tasi ole Komesina e pei ona iai nei e ui sa fautuaina e le Komisi Suesue Faapitoa o le Faigapalota 2006 e tataua ona siitia le numera i le 6 Komesina.

Auai o tagata i Faigafilifiliga ma Faigapalota:

Sa faaitiitia le faitau aofai o le au resitara mo le palota o le 2006 faatusatusa atu i le 2001, ae maise le vaega palota talavou. O le vaega foi leni e ono faatupulaia le faitau aofai e tusa ma faamaumauga o le faitau aofai o tagata. E iai se lagona e ao ona iai se taumafaiga faapitoa ina ia malamalama le vaega leni i faiga malo a Samoa ma lo latou foi sao iai, e ala i le faaogaina o avanoa palota ua tuuina atu e le tulafono. E mulimuli ane, ona aoaoina lea ma faamalamalama iai le faatinoina o faigafilifiliga e ala i le palota.

Latou uma e aga'i tonu iai le Auaunaga:

O i latou uma nei ua lautogia e le tulafono e agai iai le auaunaga a le Ofisa. O tagata lautele, o vaega faaupufai, o le Palemene, ma Ofisa ma Matagaluega a le Malo. E ao ona maua uma e nei vaega le auaunaga talafeagai mo latou. E ao foi ona mataituina fesuisuiaiga o auala faatekonolosi talafeagai mo le faaleleia ole auaunaga.

Faatupeina:

E le o iai ni fesuiaiga ma se faaopoopga o tupe maua e faatino ai galuega talu mai ona faatu le Ofisa i le 2005. E ao ai ona mataalia le Ofisa i le faasaoina o ana tupe ae le gata i lea o le sailia o ala talafeagai e faaleleia ai tupe maua a le Ofisa.

Siosiomaga Faa-lotoifale.

Aofai ole Auaunaga:

E pei ole tele lava o Ofisa faatoa faatu, e le mafai lava ona maua uma tomai e manaomia mo le faatinoina o galuega ma fuafuaga faataatitia. O le mafuaaga lea e faataua ai aoga ma le faaopoopoina pea o le tomai o le auaunaga i le faatinoina o lana auaunaga.

Mea e faatino ai galuega:

E utiuti tupe ma ausage le auaunaga. E ao ai ona ona ave le faataua ma le faamuamua i mea e tataua iai le faamuamua e pei ona iai Taiala Faata'atia.

Aga faa-auaunaga:

E ao ona o gatasi le aga-faa-aunaga e masani ai le Ofisa ma ana Taiala Faataatia. O le faatinoina lea o lana auaunaga i se tulaga silisili e tali atu ai i manaoga. E mulimulitai le

aga-faaauunaga masani ma le faagaoiina o galuega i Taiala ma Sini Autu ua faata'atitia mo le Ofisa. Ia vave ona suia ma faatonu aga-faaauunaga masani a le Ofisa pe afai e le o ausia le tapula'a lea.

Anofale:

A lelei tapena ma faataatia le anofale e faatino ai galuega, ona sologa lelei foi lea ma faasao le malosi ma le taimi ole afaigaluega ma tupe mo isi galuega e ao ona faatino. Ia manatua foi o le auunaga leni ua *o se ie e folasia i malae* i taimi uma i le vaai a le atunuu. Ia malamalama mea uma e tatau ona malama i le vaai ma le iloa a tagata lautele.

Faaogaina o faiga fou Faatekonolosi:

Ua fesui ai faiga ua faaaogaina i aso nei e faatino ai fesootaiga ma le faasalalauina o faamatalaga ma le malamalama. Ia faaaogaina ma apo mai faiga fou talafeagai pe afai e faaleleia ai le auunaga.

Suiga:

Ua televave le taaviliga o suiga i aso nei i se saosaoa e lei masani ai. E nofo sauni le Ofisa ole Komesina o Faiga Palota e faaoga suiga talafeagai mo lana auunaga, ma suiga e o'o iai le mafai ona fetuunai ma talia ma faaoga gofie e tagata lautele ma tagata taitoatasi.

Va'aiga Taula'i

Ia talisapaia e tagata Samoa ana faiga filifiliga faaupufai e ala i le taliaina o faigapalota faatuatuaina, manino ma malamalama.

Sini Autu

Ia sologa manuia faiga-malo a Samoa e ala i faiga filifiliga Faa-Palemene lelei faafoe ma faatino, ma se pulega o faigapalota e lava tapena e tali atu i le faatinoina o aia tatau ma sao faa-tagata nuu Samoa o loo I le Faavae.

Talitonuga Taiala

O talitonuga faavae nei e faasino ala i le auauunaga a le Ofisa ole Komesina o Faiga Palota, faatasi ai ma Talitonuga Faavae a le Komisi o Galuega a le Malo.

Tumaoti

- Ø O se auauunaga e faatuatuaina e le aupalota, sui faatutu, vaega faaupufai ma le Palemene e ala I le tumaoti faaletulafono ma i so'o se itu o le Ofisa o le Komesina o Faigapalota, mai faiga faaupufai ma faiga faa-vaega.
- Ø E faatino taitoatasi ma faatino e le atoaga o le afaigaluega e tusa ma le Tulafono o Faiga Palota.

Le fa'aitu'au

- Ø E le faaituau pe faa-vaega faa-upufai ona faatino
- Ø E faatutusa ma le faaituau le tali atu I manaoga o tagata palota, sui faatutu ma vaega faaupufai e tusa ma le tulafono.

Taualoa

- Ø E mulimulitaia tulafono, ae faatino i auala ua faafaigofie ona malamalama ma faaaoaga e le au palota, vaega faa-upufai ma sui faatutu.
- Ø E maua e vaega taitoatasi o le atunuu auauanaga tau faigafilifiliga e talafeagai ma o latou manaoga.
- Ø E faamalieina manaoga ole aupalota.
- Ø E maua gofie e tagata lautele ma le vasega o le au tusitusi ma le afaasalalau faamatalaga e uiga i galuega a le Ofisa.
- Ø Ua faataatitia taiala manino e tali atu ai ini faasea e faatoai mai, faasea ua fesiligia ai le amiotonu o le faatinoga o galuega.
- Ø E taulai e le aunoa i le faamausaliina o le amiotonu o faigafilifiliga e tusa ma le tulafono.
- Ø E faatino galuega faaletulafono i le amiotonu, tulaga lelei atoatoa, malu puipuia, ma i totonu o taimi e manaomia ai.
- Ø E atagia i le faatinoina o galuega ma fafo atu i le soifuaga vaaia o le afaigaluega le tumaoti ma le le faaituau i vaega faaupufai.

- Ø E mataitu e le aunoa le faagaoiaina o tulafono o faigafilifiliga ma fautua i le Palemene e ala i le Minisita suiga e faalelei atili ai tulafono.
- Ø E vaai ma le totoa e le aunoa pe o o gatasi le auaunaga ma le tulafono, pe o tali atu i manaoga, pe o ausia le faafaigofie ma lelei faatino e mafai ona oo iai, pe o faaoga foi faiga faatekonolosi talafeagai; ma
- Ø E apoapo mai ma faaoga faigafilifiliga sili ona lelei ma taualoa i le lalolagi.

Manino ma malama i le Vaai

- Ø E faaoga tupe ma mea totino i taiala ma auala sili ona lelei ma tonu ua maea faataatia, tusa ai ma tulafono ma pulega taualoa.
- Ø Ua maea faataatia taiala ma faiga faavae e faatonutonu ai auaunaga e tusa ma faiga ma pulega taualoa.
- Ø E fuafua tupe faaalu e tusa ma sini faataatitia o galuega ma e le aunoa ona vaai totoa iai pe o ausia e le faatinoga Sini Faataatitia.
- Ø E faaetete ma faapelepele le faaogaina o tupe faitele.
- Ø E faatino i taimi atofaina le sueina o le faaogaina o tupe pe o mulimulitaia le tulafono ma sueina pe o ausia sini ma tapulaa o galuega faatino ua uma ona faataatia.
- Ø E tuuina i le Palemene i taimi atofaina lipoti maeaea ma atoatoa e aofia ai ma le iai o le mafai ma le agavaa i le Ofisa e faafoe ma faatino ai faigapalota.

Sogasoga

- Ø E sailiili i auala ma mafaufauga fou.
- Ø E tufa ma faasoa atu manatu mo le faaleleia atili.
- Ø E silisili pe aisea e faatino ai i auala ia le auaunaga a le Ofisa.

Ava Fatafata

- Ø E iloa le va fealoaloi ma isi tagata, le tamaliiaga o tagata taitoatasi, le eseese o tagata soifua, ma le siosiomaga le sopoia o tagata taitoatasi.

Talimana'o

- Ø E vave ma sa'o ona tali atu talosaga mo faamatalaga ma atamai e faatatau i faigafilifiliga

- Ø E talimana'o i tagata uma e manaomia le auaunaga.
- Ø E fetala'i le uta i le feagai ai ma faatofalaiga eseese.
- Ø E fetala'i le uta i le feagai ai ma fessuiaiga ma faiga fou; ma
- Ø E tali atu i manaoga mo faamatalaga ma atamai tau le auaunaga e aunoa ma le soona sagolegole fua ma le faailoga tagata.

E taula'i galuega i taunuuga moomia

- Ø E faamuamua i galuega le ausia o taunuuga ma tini moomia ae le mataumea pe o ai lea e faia le galuega.
- Ø E galulue ma isi, e feaasoai manatu ma mafauauga.
- Ø E iloa ave le faamuamua i le auaunaga e tatau iai le faamuamua i le faaogaina o tupe ma mea e faatino ai galuega.

Ofisa o le Komesina o Faigapalota:

Lona faamatalaina.

Sa faatu le Ofisa o le Komesina o Faiga Palota e avea o se ofisa tumaoti ina ua pasia le *Tulafono Toe Teuteu o Faigapalota 2005*. Ae lei oo mai i lea faatulagana, sa faatino le *Tulafono o Faigapalota* e le Matagaluega o Fa'amasinoga ma le Ofisa Faipalota, o se vaega o le Ofisa o le Fono na faatu i lalo o le *Tulafono o Faigapalota 1963*.

Sa vaeluaina le faatinoga o le tulafono. O faigapalota sa fa'atautaia e le Failautusi o le Fono, sa faaulululu iai le Ofisa Faipalota. Ole *Resitaraina* o le aupalota, sa faatautaia e le Matagaluega o Faamasinoga seia aulia le 1990 na muta ai le palota na o matai. O le tausaga foi lea na tu'u ai ma le resitalaina o tagata palota i lalo ole vaaiga a le Failautusi o le Fono seia aulia le tausaga 2000 na toe faafoi ai lona faatinoga i le Matagaluega o Fa'amasinoga.

E nafa le Ofisa o le Komesina o Faigapalota ma manaoga o le Tulafono ina ia resitalaina tagata Samoa uma ua iai le agavaa/aia e palota ma auai i faigafilifiliga. E le gata i lea, e manaomia e le Tulafono ia iloa manino ma malamalama tagata palota ia latou agavaa/aia tatau ma a latou nafa faatagata nuu faa-letulafono, aua e faalagolago iai le sologa lelei o faigamalo faa-Temokarasi a Samoa.

E faatupe le Ofisa o le Komesina o Faigapalota mai se vaega o Tala Faatatau o Tupe a le Malo.

E feagai le Ofisa o le Komesina o Faigapalota ma le Minisita o le Matagaluega o Faamasinoga e pei ona faataoto i le *Tulafono o Faigapalota 1963* ma le *Teuteuga 2005*.

O le Komesina, o le Pule Sili foi lea ole Ofisa, e tofia i lalo o le *Tulafono Toe Teuteu o Faigapalota 2005*. O le pulega a le Ofisa o le Komesina o Faigapalota e aofia ai:

Komesina o Faigapalota
Tanuvasa Meleisea Isitolo Lemisio

Komesina Lagolago
Simea Avei

Resitara Lagolago
Pualele Atoa

Ofisa Faipalota Lagolago
Savaiinaea Ieremia Laalaai

Ofisa Tausitusi
Hilda Fidow-Leilua

I le taimi nei, o loo faaaogaina e le Ofisa o le Komesina o Faigapalota le fale telefoni tuai o le Samoa Tel i Lalovaea e avea ma ona laumua. Ae talafeagai ona sailia se isi nofoaga tutotonu ma afe gofie e tagata lautele e avea ma nofoaga tumau o le Ofisa o le Komesina o Faigapalota.

Mataupu faataua i tapenaga o le Taiala Faataatia.

O nisi nei o manaoga ma talitonuga e faavae ai pulega o faigafilifiliga lelei e ala i faigapalota lelei, sao ma faamaoni. Ua faaogaina ma ua faatauaina i le tapenaina o leni Taiala Faataatia mo faigafilifiliga a Samoa.

Tutoatasi mai faiga faaupufai:

E ao ona tutoatasi ma talitonuina e le atunuu e tutoatasi ma tumaoti le Ofisa o le Komesina o Faigapalota mai faiga fa'avaega ma faigamalo. O se tulaga tutoatasi i soo se itu, e ao ona malamalama ma tausia ma faamamalu iai i latou uma e iai aafiaga i pulega o Faigafilifiliga ma Faigapalota.

Faia ma le Tulafono:

E limataitaia le auaunaga ma le pulega o faigapalota ma faiga filifiliga e le Tulafono faatonutonu. Ona o lea mafuaaga, e ao ai ona iai ile Ofisa o Le Komesina o Faigapalota le malosiaga ma le agavaa e fautua ai suiga talafeagai i leni Tulafono mo le manuia o pulega ma faigamalo faa-Temokarasi a Samoa.

Faia ma isi faalapotopotoga:

E toatele nisi faalapotopotoga ma itutino o le malo ma le atunuu o le a aafia ma felavasai a latou galuega ma agavaa ma faia ma le Ofisa o le Komesina o faigapalota. O le lelei ona tausii ma osi o nei faia ma felavasaiga o le a aafia ai le lelei faatino o le auaunaga.

Tamaoaiga e tua iai:

E utiuti le faaso, toagaogao le afaigaluega ma faalelava foi mea e faatino ai galuega. E ao ona lelei atoatoa le faaso male faasao ina ia ausia sini autu.

Malosi ma agavaa e tali atu ai i manaoga ese'ese:

E toagaogao le afaigaluega ma ose auaunaga ua vaevaeina I le tai lima tausaga ona o manaoga faaletulafono. E ao ona lava saunia le afaigaluega e tali atu i manaoga eseese e ono tulai mai.

Vaega o tagata e moomia le auaunaga:

Ua le lava I le taimi nei le atamai ma faamaumauga mai sailiiliga maumaututu e iloa ai poo ai tonu vaega o tagata o loo manaomia tele le auaunaga. E tatau ai ona faatulaga ma faatino ni sailiiliga talafeagai e faavae ai le afuafuaina o nisi o galuega faatino.

Atamai ma faamaumauga e faavae ai.:

E le o lava faamaumauga e ala mai i sailiiliga faasaga i aga ma tu ma lagona o tagata palota faatatau i pulega faa-faigapalota i Samoa atoa ai ma talitonuga faasaga i faigamalo a Samoa e limataitaina ai le auaunaga. E manaomia tele le aoaoina mai o le atamai lea mo le lelei faatino o le auaunaga.

Talitonuina:

E ao ona talitonuina ma faatuatuaina le auaunaga faamalamalama atu ma le auaunaga a'oa'o atu a le Ofisa ole Komesina o Faigapalota. Ole sini, ia avea le Ofisa ole Komesina o Faigapalota ma punavai ole malamalama, le atamai ma faamatalaga moni i mataupu tau faiga filifiliga ma faiga palota. Ose punavai e utuvai iai soo se tasi ua galala ile fia maua ole malamalama.

Sini Taiala ole Auaunaga

Ina ia tini pao le uto o le faamoemoe, mulimulitaia talitonuga taiala, ma ausia le Sini Autu o le auaunaga o le faatinoina Faigafilifiliga a Samoa, ua faataoto ai ni taiala se fa e tapasa ai fuafuaga faataatitia o galuega fai i tausaga taitasi, mo le lima tausaga o lumanai. Ua maea tapena foi ni puipuiga ma tetee, e tali atu ai i ni toatuga le maalofia e ono fetaii ma le faatinoina o nei fuafuaga faataatitia.

- Sini 1** Faaleleia le vaega o le Resitaraina e faavae i faamatalaga ma atamai e afua mai sailiiliga mautu ma faamaonia.
- Sini 2** Faaleleia le vaega o Faigapalota e faavae i faamatalaga ma atamai e afua mai i sailiiliga mautu ma faamaonia.
- Sini 3** Faaleleia le Vaega o le Pulega e lagolago i le Vaega o Resitara ma le Vaega o Faigapalota
- Sini 4** Faamautu le lumanai sologa manuia ma le agai i luma o le pulega o faiga-filifiliga ma faiga-palota a Samoa.

Ua auiliiliina i lalo le faatinoina o nei taiala, ma vaega o le Ofisa e gafa ma le faatinoga.

Sini 1: Faaleleia le Vaega o Resitara e faavae I faamatalaga ma atamai e afua mai sailiiliga mautu ma faamaonia.		
Taiala	Fua o le faatinoga	Vaega e Faatinoina
Sailiili, toe fetuunai ma faamalosia faiga faavae o le Vaega o Resitara Tapena sauni le afaigaluega i aoaoga talafeagai	Iai se Taiala mo Resitara Faatino le resitara o le aupalota i le 5 tausaga ae le faatali i taimi ua loma faigapalota. Le toe vevesi ma lolofi mai e resitara i taimi mulimuli Lava tapena le afaigaluega i le tulaga e talafeagai me le manaoga ole auaunaga. Faatuatuaina ma talitonuina e le atunuu lautele le lelei faatino ole auaunaga.	Vaega ole Resitara
Faia fesootaiga talafeagai ma faalapotopotoga e iai faia ma Faiga filifiliga e ala i faigapalota.	Faaogaina faiga sili ona lelei i pulega o faiga palota. Faaogaina faiga faatekonolosi talafeagai. Fesootai ma pulega Alii ma Faipule i nuu ma afioaga ina ia galulue faatasi ma le Ofisa mo le resitaraina o tagata palota.	Vaega Resitara. Vaega Pulega Vaega Resitara, Vaega Pulega Vaega Resitara
Saunia ma faatino le polokalame e aoaoina ai ma nofo malamalama tagata i faigamalo a Samoa ma le taua o le resitara ma le palota.	Amatalia ma faaaauu polokalame a'oa'o i faigamalo a Samoa ma le taua o le resitara ma le palota.	Komesina, Vaega Resitara, Faufautua faapitoa.

Sini 2: Faaleleia le Vaega o Faigapalota e favae i faamatalaga ma atamai e afua mai I sailiiliga mautu ma faamaonia		
Taiala	Fua ole Faatinoga	Vaega e Faatinoina
Sailiili, toe fetuunai ma toe faaleleia faiga faavae a le Vaega o Faigapalota	Saunia se Taiala o Faigapalota Samoa [Tusi] Maua faamatalaga e tatau ona maua pe maea faigapalota Faatuatuaina ma talitonuina Faigapalota e tagata.	Vaega o Faigapalota
Tapenasauni le afaigaluega i aoaoga talafeagai	Faatuatuaina le auauanaga e tagata Saunia ma atoa le afaigaluega e manaomia	Vaega o Faigapalota Vaega Faigapalota . Pulega
Faia fesootaiga talafeagai ma faalapotopotoga I Samoa ma fafo atu, e iai faigafilifiliga ma faigapalota	Faaoaga faigapalota lelei ma talafeagai mo Samoa. Faaoga faiga faatekonolosi talafeagai Galulue felagolagomai ma puloga Alii ma faipule ma isi faalapotopotoga mo le faaleleia o faiga palota	Vega Faipalota Vaega Faipalota Pulega. Vaega Faipalota
Tapena ma faatino se polokalame e aoao ai ma faamalamalama faiga malo a Samoa ma aia tatau ma tiute o tagata lautele e ala i le palota	Faatino ma faaauau le polokalame aoao ma faamalamalama. Siitia le iloa e tagata lautele e uiga i faigamalo a Samoa	Sui Komesina Vaega Faipalota Faufautua Faapitoa

Sini 3: Faaleleia le vaega o le Pulega e lagolagosua ai i le Vaega o Resitara ma le Vaega o Faigapalota		
Taiala	Fua o le faatinoga	Vaega e Faatinoina
Faasao tupe e ala i le lelei faatino o le auauanaga ina ia ausia le auga o le auauanaga a le Ofisa o le Komesina o Faigapalota.		

Faalelei faiga faavae ma le lotoifale ina ia maua se afaigaluega talafeagai mo manaoga ole auaunaga.	Faapoopo tomai o loo manaomia i Vaega ole Resitara, Faigapalota, Faatekonolosi, Faamaumauga, Suesuega, Fuafuaina ole Lumanai, Atinae ole afaigaluega .	Pulega
Tapena ma faataatia fuafuaga talafeagai mo le lumanai o le afaigaluega.	Faatino faiga faataoto a le Komisi o Galuega a le Malo mo le fuaina o manaoga o le faaleleia atili ole tomai male iloa faatino e le afaigaluega. Tapena ma faatino Faiga e Fuaina ai le Auauanaga.	Komesina Lagolago Pulega
Tapena le faaogaina e le Ofisa o faiga faatekonolosi e faaleleia atili ai faigafilifiliga a Samoa.	Ua iai faiga faavae mo le faaogaina o faiga faatekonolosi e resitara ma palota ai pe a talafeagai ma mafai ona faatino.	Komesina, Komesina Lagolago, Pulega

Sini 4: Faamautu le lumanai manuia ma le agai luma o Faigafilifiliga ma Faigapalota a Samoa.

Taiala	Fua o le Faatinoga	Vaega e faatinoina
I le finauiina ma puipuia o le tutoatasi male tumaoti o le pulega o Faigafilifiliga a Samoa, o le a:		
O gatasi galuega ma tiute ma le Tulafono faatonutonu	Ua o gatasi Faamatalaga oTiute o le Komesina ma le Tulafono Teuteu 2005 Ua o gatasi le tulaga faaletulafono ma le Vaega s.3A[f] ole Tulafono.	Komesina
Auai i talanoaga ma iloiloga o mataupu tau faigafilifiliga faafaigapalota e aafia ai Samoa.	Faaaoga faamatalaga ma atamai e maua mai sailiiliga faapitoa i mataupu tau faigafilifiliga ma faigapalota Faaaoga faatinoga o faigapalota e maua mai ai atamai fou ma faamatalaga e faalelei atili ai le auaunaga	Komesina Lagolago

<p>Mataitu ma sailiili ala e faalelei atili ai le pulega ma le faatinoina o Faigafilifiliga.</p>	<p>Faia sailiiliga i auala e faafaigofie ai ma faalelei faigapalota.</p> <p>Teuteu le Vaega 5[5][b] o le Tulafono pei ona fautuaina e Komisi Suesue ua mavae</p> <p>Faataatitia maliega ma le Ofisa o Faamaumauga o Aso Fanau ma maliu e tusa ma le Tulafono.</p>	<p>Komesina Lagolago</p> <p>Komesina</p> <p>Komesina</p>
<p>Ia nofo sauni e auai ma iai se sao I le talanoaina I fafo atu Samoa o mataupu tau Faigafilifiliga.</p>	<p>Auai i faalapotopotoga malo ole Taupulega faapea isi faalapotopoto o le lalolagi</p> <p>Auai ma malamalama le pulega i Faigafilifiliga I malo ole Pasefika.</p>	<p>Komesina</p> <p>Komesina, K/Lagolago, Pulega, Vaega Resitara, Vaega Faigapalota</p>
<p>Fautuaina le Palemene male Malo ini suiga o le Tulafono e faalelei atili ai Faigafilifiliga a Samoa.</p>	<p>Mautu Tulafono mo Faigafilifiliga lelei faafoe ma lelei faatino.</p>	<p>Komesina</p>